

## 1. MART NA SJEVERNOM KIPRU – let iz Sarajeva

Ova ostrvska država ima veoma povoljan geografski položaj, u istočnom Mediteranu, na raskrsnici tri kontinenata, Europe, Azije i Afrike. Geografski pripada Aziji, a kulturno-politički Evropi, čiji se uticaj osjeća na cijelom ostrvu. Kirenija i Famagusta su biseri Sjevernog Kipra. Kirenija je lučki grad, prepun kako taverni, restorana i mnogobrojnih radnji, tako i historijskih spomenika, među kojima se svakako ističe antička tvrđava sa muzejom, a na samo nekoliko minuta vožnje od Kirenije nalazi se i dvorac Svetog Hilariona izgrađen za vrijeme krstaških ratova. Famagusta je regija s vjerovatno najljepšim plažama na cijelom Kipru, a sam grad predstavlja autentičnu cjelinu sa bogatom historijom.

**Termini putovanja: 27.02.2024. - 04.03.2024. / 7 dana – 6 noćenja**

### PROGRAM PUTOVANJA:

#### 1. DAN / 27.02. / SARAJEVO – ISTANBUL – SJEVERNI KIPAR ( aerodrom Erdžan)

Sastanak putnika na aerodromu Sarajevo dva sata prije polijetanja. Nakon carinskih i graničnih formalnosti, let za Istanbul, sa Turkish Airlines-om na letu TK 1024 u 08:20 h. Slijetanje u Istanbul u 12:15 h nakon čega slijedi nastavak leta za Erdžan predviđen u 14:00 h (TK 968) (sva vremena su lokalna). Po slijetanju na Aerodrom Erdžan u 14:40 h transfer od aerodroma do hotela. Na putu prema hotelu slijedi panoramski razgled grada. Dolazak u hotel. Smještaj. Slobodno vrijeme. Noćenje.

#### 2. DAN / 28.02. / KIRENJAVA

Doručak, nakon čega slijedi odlazak na cjelodnevni **fakultativni obilazak Kirenije sa uključenim ručkom**.

Izlet započinjemo obilaskom ostataka veličanstvenog srednjovjekovnog planinskog dvorca Sv. Hilarion kojeg svaki posjetitelj Sjevernog Kipra jednostavno mora vidjeti. Njegova lokacija na planini pruža nevjerovatni panoramski pogled na samu obalu Kirenije. Sv. Hilarion dvorac je poznat po tome što je inspirisao Volt Diznija u dizajniranju dvorca iz crtanog filma Snjeguljica i sedam patuljaka. Putovanje nastavljamo posjetom samostanu Bellapais koji se ubraja među najljepša remek djela gotske umjetnosti na Bliskom Istoku. Koliko je poznato, prvi redovnici koji su se ovdje nastanili, bili su Augustinci. Ovi redovnici su 1187. godine morali pobjeći iz Jeruzalema, kojeg je osvojio turski vladar Saladin. Nakon toga slijedi obilazak luke grada, gdje ćemo razgledati impozantnu tvrđavu koja dominira na ulazu u samu luku. S ove fascinantne građevine pruža se prekrasan pogled na cijeli grad. U tvrđavi se također nalazi muzej starih brodova u kojem su izložene neke od najstarijih olupina brodova, zajedno s teretima koje su prevozili. Slobodno vrijeme za obilazak živopisnih sokaka Kirenije. Povratak u hotel. Noćenje.

#### 3. DAN / 29.02. / KIRENJAVA – FAMUGUSTA – KIRENJAVA

Doručak. Današnji dan iskoristite za cjelodnevni **fakultativni izlet u Famagustu sa uključenim ručkom**.

Posjeta Famagusti biće fascinantna ljubiteljima historije, posebno zbog obilaska drevnog grada Salamisa. Grad koje je opisan u Homerovim epovima, nekada je bio najveći i najbogatiji grad antičke historije. Pozorište, gimnazija i druge konstrukcije iz rimskog perioda su veoma dobro očuvane i pružiti će vam uvid u arhitekturu ove veličanstvene ere. Poslije toga slijedi posjeta monastiru Sv Barnabas. Tamo ćete vidjeti prekrasni muzej ikona, zatim bogato opremljen Arheološki muzej i kapelu koja je izgrađena nad grobnicom Apostola Barnabasa. U nastavku slijedi obilazak starog dijela grada Famagusta: mletačkih utvrđenja, Lala Mustafa pašine džamije originalno poznate kao katedrala Svetog Nikole, što je ujedno i najveća srednjovekovna zgrada u Famagusti. Izgrađena između 1298. i 1400. godine. Katedrala je pretvorena u džamiju nakon što je Otomansko carstvo osvojilo Famagustu 1571. godine, a od 1954. nosi naziv po Lala Mustafa Paša, Velikom Veziru Otomanskog carstva od Sokolovića u Bosni, koji je služio Murata III i vodio otomanske snage protiv Venecijanaca na Kipru. Slobodno vrijeme iskoristite za obilazak uskih ulica popločanih kaldrmom, duž kojih su radnje u kojima se prodaju tekstil, zlato, koža i različiti grnčarski proizvodi. Povratak u hotel. Noćenje.

#### 4. DAN / 01.03. / KIRENJA – KARPAZ – KIRENJA

Doručak. Za ovaj dan predlažemo cjelodnevnu **fakultativnu posjetu Karpaz sa uključenim ručkom.**

Izlet na poluostrvo Karpaž je avantura koja oduzima dah. Poluostrvo posjeduje spektakularan krajolik, mala ribarska sela, zadivljujuće pješčane plaže, a intrigantne divlje životinje natjerat će vas da se zaljubite u ovo mjesto. Štaviše, stanovnici mnogih malih sela su među najljubaznijim Kiprancima. Imaćete priliku da pored posjete tvornici maslinovog ulja, ispijate kafu u šarmantnoj luci Bogaz. Odmor ćete se na Golden Beach-u, nesumnjivo najljepšoj plaži otoka. Povratak u hotel. Noćenje.

#### 5. DAN / 02.03. / KIRENJA – NIKOZIJA – KIRENJA

Doručak. Za ovaj dan predlažemo cjelodnevnu **fakultativnu posjetu Nikoziji, glavnom gradu Kipra, sa uključenim ručkom.**

Ime ovog grada u prijevodu sa grčkog bi otrpilike značilo "bijeli grad". Kroz sami grad prolazi "zelena linija", jer je on od 1974. godine podijeljen na grčki i turski dio. Nešto veći dio pripada južnom, odnosno grčkom Kipru. Prošetat ćemo uličicama starog grada Nikozije koji je posljednji podijeljeni grad na svijetu, nakon pada Berlinskog zida. Šetnja do Venecijanskih bedema. Na kraju pješačke zone dolazimo do jedne građevine koja izgleda kao crkva ali ima dva turska minareta, a radi se o džamiji Selimiji. Izgrađena je u 13. stoljeću kao katedrala Sv. Sofije, ali je 1570. godine nakon dolaska Osmanlija pretvorena u džamiju. Nakon toga ćemo posjetiti karavan-saraja: Büyük Han iz 17.st. gdje možete popiti turski čaj i probati neke od delicija tursko-grčke kuhinje. Također ćete imati priliku za kupovinu nakita i proizvoda od zlata, te tokom slobodnog vremena uživati u bogatim čarima ovog živopisnog gradića! U poslijepodnevnim satima povratak u hotel. Noćenje.

#### 6. DAN / 03.03. / KIRENJA

Doručak. Slobodan dan za vlastite aktivnosti. Noćenje.

#### 7. DAN / 04.03. / KIRENJA - ERDŽAN

Doručak i odjava iz hotela. Transfer do aerodroma Edžan. Let za Istanbul u 15:30 h na letu TK 969. Predviđeno slijetanje u Istanbul je u 18:20 h. Nastavak leta za Sarajevo je na letu TK1023 u 20:00 h. Slijetanje u Sarajevo 19:55 h (sva vremena su lokalna). **Kraj programa.**

#### CIJENA ARANŽMANA:

HOTEL	USLUGA	CIJENA ZA UPLATU DO 20.01.2024.	CIJENA ZA UPLATU POSLIJE 20.01.2024.
Oscar Resort Hotel 4*	BB	1.255 KM	1.355 KM

BB-noćenja s doručkom, kalkulacija rađena na bazi 30 uplata

#### CIJENA ARANŽMANA UKLJUČUJE:

- Povratnu avio kartu sa uključenim aerodromskim taksama na relaciji Sarajevo – Istanbul – Ercan – Istanbul – Sarajevo;
- Povratni transfer od aerodroma do hotela na destinaciji;
- Smještaj na bazi 6 noćenja sa doručkom u hotelu Oscar 4\* u  $\frac{1}{2}$  standard sobi;
- Usluge predstavnika agencije na destinaciji;
- Putno-zdravstveno osiguranje za lica do 60 godina starosti;
- Troškove organizacije aranžmana.

#### CIJENA ARANŽMANA NE UKLJUČUJE:

- Putno-zdravstveno osiguranje za lica preko 60 godina starosti;
- Neobavezno osiguranje od otkaza putovanja od strane putnika, te osiguranje prtljage, COVID osiguranje i sl;
- Fakultativne izlete;
- Doprata za večeru 100 KM po osobi za čitavo vrijeme boravka;
- Doprata za jednokrevetnu sobu 200 KM;
- Individualne troškove putnika.

**Fakultativni izleti (izleti uz doplatu) rezervacija i uplata na destinaciji:**

- Cjelodnevni obilazak grada Kirenije sa ručkom 40 EUR;
- Cjelodnevni obilazak grada Famaguste sa ručkom 45 EUR;
- Cjelodnevni obilazak poluostrva Karpaz sa ručkom 45 EUR;
- Cjelodnevni obilazak grada Nikozije sa ručkom 35 EUR.

**Napomena:** Za realizaciju izleta potrebno je minimum 20 osoba. Cijene fakultativnih izleta su informativne. Organizacija fakultativnih izleta, njihova cijena, sadržaji i realizacija je u nadležnosti lokalne partnerske agencije.

Putnici sa rezervacijom i uplatom prvog avansa prihvataju Opšte uslove putovanja agencije ELITE TRAVEL d.o.o. koji se mogu naći na web stranici agencije [www.elitetravel.ba](http://www.elitetravel.ba) stoga Vas molimo da ih obavezno i pažljivo pročitate, jer Opšti uslovi putovanja čine sastavni dio Ugovora putovanja, te su obavezujući za obje strane potpisnice Ugovora.